

9. TATE BANG-A SAN NA

- a) **Laisiangtho bulphuhte:** Rom. 8:15-18; Gal. 4:5-7;
Rom. 8:23-25; Eph. 1:4-5.

b) Thupatna

Nungzui hihna lungtang ah neihna lungsim om hi. Hih pen khantawn kipiakna hi a, nungzui nuntakna pen a nung a kizui pa tawh thuktak in kihel khawm hi. A lang khat tuak ah deih teelna lungsim om hi. I Topa in a nungzuite teel a (Jn. 15:16). eite in dawng kik in zui ding maw? dawng lo zuilo ding cih i khensat ding ahi hi. Zeisu in eite hong teel khin a, ama teelna in eite kiangpan dawn kik na hong ngen hi. Eite in hong teelna sangin zui thei, nolh in zuilo thei hihang. Zeisu Khazih Topa leh Honpa a i san teh a piangthak i hi hi (Jn. 3:5-6). Hih suahkikna lim pen a vanglian mahmah kibatpih khat hi. Banghang hiam cihleh upna tawh Khazih kiangah i pai teh hi bang linlian khat kha vai ah piang hi. Hi pen a thak kipat na hi a, a kileh bulh thu luite khempeuh ahi saltanna ah hong koihte pen Khasiangtho vangliatna tawh kigual zo hi. I mawhnate kimaisak in Pasion tawh kizopna thak ah eite hong tun pih hi (2Cor. 5:17).

c) Diktansakna

"Upna tungtawn in dik hong kitangsak khin ahihman in, I Topa Zeisu Khazihtungtawn in Pasion tawh kilemna i nei hi." (Rom. 5:1).

Hih pen gup khatna thu man bulpi khat hi. Hi pen thukhenna zumah Pasion pen thukhenpa a a omna mai-ah eite hong kikoihna ah dan tawh kituak khatna khat nei a, eite in bangzah ta mawhna i neih hang Zeisu Khazih sunga upna tungtawn in mawh lo hi ci in kipulak hi. Diktansakna pen 'Kei a mawhngelo keek bang in' cih hi. Bang hanghiam cihleh kei ading ahi dantatna pen Khazih Zeisu in hong lakkhit sak hi (Rom. 8:1-2).

d) Ta suahsakna i cih banghiam?

Ta suahsakna pen Pasion pen Pa bang a itna thu tawh innkuan lungsim puakna hi. Eite mawhna in vantung a i Pa taktak kiangpan hong khenkhia a, Ahizong in Pasion in a lainatna leh a hehpihna tawh eite mihing pian ken ngeina dungzui ahi lo, eite tawh a kilawm lo mun a innkuan sungah hong sam khin hi (1Jn. 3:1). Hih pen hanthot zawh thu tawh hilo in, itna tawh ahi lohna hong phawksak ahihman in nungzui hihna lungtang ahi hi. Hih Pasion innkuan hihna leh Khazih Zeisu tawh i kigawm na hamphatna pen i nuntakna siangthona hong tawhkuang tha hi.

I nuntakna Khazih ading hong mainawt sakpen thukham hilo in, itna hi. Christian nuntakna ah thu kham khat om a, ahizong in a thak thu kham laimal hilo in, nuntakna leh vangliatna hong piangsak kha/lungsim hi.

e) Ta suahsakna vaihawmna

Hih ta suahsakna lungsim in vantung i Pa lungtang hong kakkhia hi. A mah in sawtpi lai pek in Khazih sungah eite ta hong suahsak nading vai hawm khin hi (Eph. 1:4-5). Pasion innkuan sung a suak eite lakah khat na ngawn zong ama thu a piang tawm cih om lo hi. Leitung a kipatma in Pasion in a lungtang sungah nei khin hi (Psa. 139:13-16; Eph. 2:10). Hih thu kimtak a i pom leh eite i kipiakna saltanna tampite pan hong khakhkia ding a amau suah na thuneihna vangliatna a theite ading ahi suahtakna ah dingthei sak hi. I

khang gui pen mihing khanggui khat peuh pan la lo hihang. Hi khanggui pen leitung kipatma a Khazih Zeisu sung a Pasion ngimna sa pan la hihang. Eite ama sungah hong kiteel a, tua pen ama sung a nuntak thak vangliatna khempeuh i lakna nak hi.

f) I Tasuahsakna Vangliatna

Ta a kisuaksak mihing naupang khat in minthak khat ngah hi. A nu leh a pa thakte kiang pan min ngah in tua innkuan thak a hamphatnate leh omziate zong ngah hi. Hi pen Khazih sung a eite vai zong ahi hi (1Pet. 2:10). John lungdamna thubu kipatna ah, eite pen mihing hih theihna hang a thuneihna leh vangliatna khatpeuh hang a Pasion tate i hih lohna, Jn. in na uanggen hi. Eite i pianpih in Pasion innkuan pua lam leh nuntakna ah suak hihang. "Ahizong in amah sang a ama min a umte khempeuh Pasion tate suah theih nading thu a pia hi. Tua tate in si leh sa tawh suak ahi kei uh hi. Mihing deihna bangin a suak kei uh hi, Pasion deihna bangin a suak uh hi." (Jn. 1:2-13). "Suah theihna thu" cih kammal pen Greek kammal '*exousia*' hi a, 'thuneihna' aih keh 'vangliatna' cih na ahi hi. Hih pen thuneihna piakna kammal hi. Hih thuneihna pen Topa Zeisu sihna tungtawn in eite ading hong kizawksak a, upna tungtawn in eite khat ciat hong kipia zo hi. Hih tungtawn in thuneihna khempeuh sung leh innluahna ahi Pasion innkuan sung hihna ah i luut khin hi (Gal. 4:6).

A taktak in bel Khasiangtho pen "Tapa hihna kha" ci in kipulak hi. Ama nasep pen eite Pasion neihsa i hih lungmuan na leh thuman ahihna i lungtang sungah hong tunsak ding ahi hi. Hih lungmuanna pen Christiante bang a i nisim nuntakna ah a khauh bulpi a gamtangsak ahi hi. Tua bang thahatna leh vangliatna pen eite kua cihleh kuan hong nei cih i theih na pan hong pai hi.

g) Ta i suahna ii A ngimna

Pasion in eite a tate hong suahsakna ii a ngimna pen "ama muhna ah siangtho a gen bang lo ding" ahi hi (Eph. 1:4). Tate suahsakna tungtawnin eite in ama innkuan hi khawm bek lo in Pasion zia zong a nei khawm ding i hi hi. Hih pen gamtatna leh lungsim puak ah amah bang i hih theih nading a a ngimna taktak leh nungzui hihna hi a, eite pen i vantung Pasion tate i hihna thu a kilang khiasak i nuntaknate a hih ding ahi hi. Zeisu sungah upna tawh ama nung azui ding a tapa khempeuh adingin hong geel kholhsakte Pasion in hong lakkhin hi. I nuntakna khempeuh ah Zeisu tawh kisun in i nuntaknate Pa Pasion tungah i ki-ap ding pen Pasion ngimna hi (Rom. 8:29). Eite khat ciat nuntakna Pasion in hong sapbek hilo in, Pasion in eite hong teelna a a ngimna pen eite khempeuh tua bang pianzia a lang khiasak a nungta i hih khop theih nading ahih na Peter in hong phawk kik sak hi (1Pet. 2:9).

h) Ta i suahna ii Kamciam

Kumpi gam tate i hihna ah gupkhatna pen tu laitak ading bek hilo in, a tawntung ading hi cih a thupi kamciam sungah tate hong kisuaksak hi (Rom. 8:17). Tapa i hihna pen a tawntung hi. Paul mah bangin, hih pen mai lam i mitsuatna ah i nasepna hong thalawpsak hi a, i sep ding i zawh ciang a ei ading a a kikoih kholsa dikna lukhu ahi hi. Hi pen siangtho nading a thalawpna zong ahi hi (1Jn. 3:2-3). Laisiangtho thuciamthak tungtawn in cileng, tanu cih bang om lo in, eite khempeuh tapa i hi hi. Khazih sungah nuntakna thak bek hi lo, lam-etna thak zong nei hihang. Pasion tate suah theihna a ngah bek hilo in Pasion tate bangin luahna ngah theihna zong nei hihang.

i) Ta i suahna ii Thuguipi

Nungzuite i hihna tawh i nuntakna a thulaigil pen pa khat leh a tapa taktak khat kikal a om muanna leh kihonna thuguipi nisiam a semkhia ding a hong kisam ahi hi. Zeisu sung a kimu vangliatna thu sim pen a Pa tawh a kizopna hi. Mualtung thuhilhna ah Zeisu in Pasion Gam thu tawmkhat a nungzuite tungah na lakkhia hi. Amau Pa tungah kingak ding leh ama minthanna leh paktawina ahi ding a nuntak ding na hilh hi.

- Pa na phat un (Matt. 5:16).
- Pa na etteh un (Matt. 5:45-48).
- Pa tawh kiho un (Matt. 6:7-9).
- Pa na muang un (Matt. 6:25-26).
- Pa na lungdamsak un (Matt. 6:17-18).

j) Ta i suahna ii Zatpahna:

Pasion in i tasuahna ah a hoih a i nuntak ding hong deih hi. Nuntakpih lo a thu man khat theihna in eite tungah thuman takpi hong suak thei lo ding hi. Khasiangtho hang tawh hih thuman thutak i nisim tuahkhak thu ah na hong sem dingin na khempueh hong kipia khi hi (2Pet. 1:3).

I Tasuahna a a nunung bel thuman pen Pasion in a kigamla mel theih khat bang bek hi lo, a tate bang in hong bawl hi. Hih pen Pasion in eite hong puahpha leh a tate bang a mawhpunkte i neih na hong phawksak bangin hun khat khit hun khat i nuntaknate hong sek Pasion khut thei ding cihna hi (Heb. 12:7-11).

k) Thukhupna ah

Tu in eite upna tawh Pasion innkuan sungah om hihang. Khazih nuntakna leh misiangthote luahna ngah khawm hihang. A siangtho nuntak nading taw sawnna thukpi hong kipia khin a, i nuntakna sungah a kikheel Khasingtho vangliatna tuak kha khin hihang. Eite hong neipa thei khin i hihman in i nuntakna ah i Pa hong khalna tel thei hihang. Tuata ban ah i lungtang sungah a thuk leh a sa /Pa hong itna thuakkha sa in nungta hihang (Eph. 1:3).

l) Dotnate leh kikupnate

1. Banghang in Pa Pasion in nang hong teel hiam? Kam kum in.
2. Pasion in eite ama tapa ding a hong teelna ah i thuhkikna in bang i sepkik ding kilawm hiam?
3. Ta i suahna thupen hamphatna khat ahilh keileh, na omna mun ah Pasion in hong koih in tua mun pan ama ading bang sem thei na hiam? cih bang hang in ngaihsun na hiam?
4. Ci le sa leitung ngeina a innkuan khat sungah ta suahsakna leh khathu ah Pasion innkuan sung a tasuahsak na a kivalaknate leh a kilamdannate kuppil in.
5. I nuntaknate ah hi ci pai tohtoh in, koilam manawh leh Khazih sung ah i ngimna bang cih Pasion in a thei hiam? I thuhkikna bang hih tuak a, hi bang mun sungah Pasion i muang thei hiam?
6. Eite Pasion tate hi in, Pasion innkuan mite i hihna koici theih tel theih ding i hi hiam?
7. Pasion tapa i hihna tawh nungzui i hihna ah i tupna lianpen bang hih huai hiam?
8. I nisim nuntaknate ah thu hong nei dingin Pasion tate i hihna tawh eite ta suahsakna thuman i koih nading bang teng sempah thei ding i hiam?

m) Tomlakna leh Zatpahna

1. Ta suahtak na pen a ngeina bangun innkuan khat ah om lo napi a, tapa khat mun leh hihna hong kipiakna hi.
2. Pasion tapa hihna ah hoih tak in i nuntak ding i teel ding kisam a, Topa khat bek ahi Zeisu nung zuih ding teel in ama sepsa bang a i sep ding ahi hi. Amah pen i zui ding a kicing etteh ding leh Pasion tapa bangci suah ding cih hong pia sanggam upa zaw lim hi.
3. Eite pen atawntung a ama tate ahi ding a Pasion in hong teel, nading a hong it mahmah man in hampha mahmah hihang. Hih pen amah i itna ding leh i Topa leh i honpa Zeisu Khazih na i sep nading a hong tawsawn ahih ding kilawm hi.
4. Leitung a kibawl ma in Pasion in eite hong thei khin hi. Eite pen ama teelsate i hihna leh i ngimna bang hi ding cih thei khin hi.
5. Pasion' hi bang a a nungta pong ciang dingin hong nusia lo a, Pasion tapate bang a i ngah luahna ah hoih tak in nuntak nading in Khasiangtho tawh hong pai in hong huh hi.